



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 23 FULAN-JUÑU TINAN 2015

KOMUNIKADU IMPRENSA

Sorumutuk Konsellu Ministrus nian iha loron 23 fulan-juñu tinan 2015

Konsellu Ministrus hala'o sorumutuk tersa-feira ne'e, iha loron 23 fulan-juñu tinan 2015, iha sala sorumutuk Konsellu Ministrus nian, iha Palásiu Governu, iha Dili no aprova ona:

1. Dekretu-Lei ne'ebé estabeselese orgánika Ministériu Interiór nian

Dekretu-Lei ne'e define orgánika, desentralizasaun atribuisaun sira Ministériu Interiór no reorganizasaun servisu sentrá sira ne'ebé maka iha direasaun, tutela ka superintendénsia hosi Sekretáriu Estadu Seguransa nian no Governu Konstitusionál V. Baze ideia diploma ne'e nian maka hametin estrutura Seguransa Nasionál Interna no Protesaun Sivíl.

Prevee, hanesan inovasaun sira, hodi harii Direasaun Nasionál Seguransa Rodoviária no Autoridade Nasionál Protesaun Sivíl nian.

Orgánika Ministériu Interiór reflète estrutura rasonál ida ne'ebé efikáz, efisiente, sólida no estável, nune'e mós iha ambisioza (iha ideia ne'ebé aas), liuliu iha rekursus umanus profisionál no iha kualifikasaun. Buka hodi hatán ba nesesidade réal sira ba aplikasaun no reforsu kona-ba polítika sira Seguransa Interna no Protesaun Sivíl nian, nu'udar área sira ne'ebé importante ba Seguransa Nasionál Timor-Leste nian.

2. Dekretu-Lei ne'ebé estabeselese orgánika Ministériu Turizmu, Arte no Kultura nian

Tuir akordu Orgánika Governu Konstitusionál VI, Ministériu Turizmu hanesan órgaun sentrá Governu nian ne'ebé maka responsável ba konsesaun, ezelesaun, koordenasaun no avaliasaun kona-ba polítika área sira turizmu, arte no kultura nian, ne'ebé define no aprova ona hosi Konsellu Ministrus.

Importante maka, nafatin sei laiha alterasaun, ba atribuisaun no kompeténsia sira ne'ebé hala'o ho efisiénsia no efikásia ba ezijénsia hirak ne'ebé hato'o ona, la'ós de'it ba polítika Ministériu nian, maibé mós ba pretensaun ba sira ne'ebé maka hakarak investe iha área turizmu, iha Timor-Leste.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

3. Dekretu-Lei ne'ebé estabeselese orgánika Ministériu Planeamentu no Investimentu Estratéjiku nian

Tuir Orgánika Governu konstitusionál VI nian, Ministériu Planeamentu no Investimentu Estratéjiku hanesan órgaun sentráal Governu nian ne'ebé maka responsavel ba konsesau, koordenasau no avaliasau politika ba área sira promosaun nian dezenvolvimentu ekonómiku sosiál nasaun nian, ne'ebé define no aprova ona hosi Konsellu Ministrus. Ninia asaun hatudu liu-hosi planeamentu estratéjiku no integradu nian no rasionalizasaun kona-ba rekursu finanseiru ne'ebé mak iha, hodi simu mós responsabilidade partikulár sira ba-iha realizasaun Planu Estratéjiku Dezenvolvimentu nian.

Dekretu-Lei ne'e estabeselese estrutura orgánika ba Ministériu foun ne'e, hodi promove efisiénsia kona-ba órgaun no servisu sira administrasaun direta nian no kona-ba organizmu sira administrasaun indereta Ministériu Planeamentu no Investimentu Estratéjiku nian. Fó ba sira kompeténsia hirak ne'ebé prezisa ba dezenvolvimentu polítka iha área ne'ebé mak iha nia tutela ba-iha Programa Governu Konstitusionál VI no Planu Atividade Ministériu nian.

4. Proposta ba akordu entre Santa Sé no Repúblika Demokrátika Timor-Leste

Konsellu Ministrus foin lalais ne'e analiza ona proposta akordu nian entre Santa Sé no Repúblika Demokrátika Timor-Leste, iha negosiasaun entre Estadu rua husi kedat tinan 2009, kona-ba Konkordata. Konkluzaun sira ne'ebé hetan hosi sorumutuk ida ne'e sei hato'o ba Santa Sé, liuhosi Ministériu Negósiu Estranjeiru no Kooperasaun.

Konsellu Ministru mós daudaun ne'e trata ona asuntu hirak hanesan tuir mai ne'e:

1. Apresentasaun Tetu Fiskál ba tinan 2016

Ministériu Finansas apresenta ona ba Konsellu Ministru senáriu oin-oin ne'ebé mak haree liubá sustentabilidade ezekusaun orsamentál nian, hodi hola atensaun mós ba projetu sira ne'ebé maka sei hala'o hela, projetu foun no possibilidade kontinjénsia nian sira. Senáriu hirak ne'ebé mak estuda tiha ona hodi prepara ba tinan oin ho objetivu atu orienta ministériu sira ba elaborasaun planu anuál no ba nia orsamentu.

Apresentasaun ida ne'e mai husi jornada orsamentál nian, semináriu ida ne'ebé mak hala'o iha fulan-maiu, ho membru Parlamentu Nasionál sira no Governu, Diretór-Jeral sira, Diretór Nasionál sira, kadru superiór sira seluk Estadu nian no mós funsionáriu empreza públka sira no ajénsia autónoma sira, ne'ebé mak simu ona knaar hodi prepara Orsamentu Estadu nian ba tinan 2016.

Iha elaborasaun orsamentu ba tinan oin nian, sei hola atensaun iha fator oin-oin, liuliu kona-ba Planu Estratéjiku Dezenvolvimentu (PED), Programa Governu nian, ezekeusaun orsamentál, inflasaun no sustentabilidade fiskál.

2. Komemorasaun tinan 40.^u FALINTIL nian

Kumpri despaxu Primeiru-Ministru nian katak lora 3 fulan-juñu, ne'ebé mak estabese komisaun organizadora kona-ba selebrasaun lora Forsa Defeza Timor-Leste nian (F-FDTL), Konsellu Ministrus analiza no diskute ona orsamentu ne'ebé mak sei fó hodi hala'o komemorasaun tinan 40.^u FALINTIL nian, iha lora 20 fulan-agustu mai ne'e. Halo ona mós análize no defini ona servisu sira entre komisaun organizadora no ministériu sira ne'ebé maka relevante hodi organiza eventu ne'e.